

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

REDAZION: su la fontane di piazze Contarene — AMMINISTRAZION: su la foreade de Vigne

Per altri Florean al si lassará ciata, quand che coventa, in Stamparie Jacob e Colmegne.

Florean ai siei letors.

Bras! o soi propri content di voaltris che, senze piardisi daur dai academichs (che no son bogns di capì 'l mio lengazz, parcè ch'al è scritt in mud che dugg e puedin lejlù,) o ves netat dute la edizion dai miei tre prins numars.

Bras! Florean us proclame benomerits de patrie.

E cun chest numar cà o mett a man une nuvitat, anzit dos:

LIS CORISPONDENZIS

I DISPAZZ TELEGRAFICHS

di dutis lis plazzis plui importants dal Europe, par cumò, dal mond di cà indenant, di qualchi altri lug co si podarà.

Par chestis corispонденzis e par chesg telegrafos o hai stabilit jò un servizi nome par miò cont, ch'al mi coste un voli dal ciáf. Ma o soi sigur che nissun altri sfuei al podarà vè notiziis fres-cis come ches di Florean e di tante importanze.

Vedares che no vá indenant trop che 'l Florean al sarà 'l sfuei 'l plui intessant di dutt 'l mond.

Comprailu e me savarès a dí.

Politiche di Florean.

Vincendo di Marz! E jè une date che no si pò lassàle passà senze un salut, senze un batiour, senze sintissi a vigni la piell di oce, visansi di dutis lis gloris, di dutis lis speranzis che, za trectinq agn, in ta cheste zornade a si sveàrin tal

cur dai furlans. No si pò lassà là a mont il-soreli uè, senze consacrà une peraule a la memorie di ohe generazion di erois, che son zà aromai squasi dugg sott tiare, e che han scombatut dute la so vite par fà libare e une oheste nestre Italie benedete. L'è ver che chei che han patit e scombatut e son stas pajaž cu la ingratitudine e cu lis persecuzioni, intant che chei altris masse passuz, che son stas sott lis cotulis de mame; o che han imparade la lizion cui tognos, e son rivaz a fà i parons. Ma, e disin che Dio nol pae là sabide e, une volte o che altre, a si varà ben di fà i coriz ane cun lor.

Co l'è vignut a savè che 'l guviar di Checo-Bepo i, ha mandat tang complimenz a Pasqual Stanislaio, pal discors ch' al ha lett a la Ciamare, a puar Florean i vigni imbast. Jeh! ce davoì che al fò in Piazze Contarene! Lis massaris, lis bigatis, lis sartoris, i berechins, i scuclars, i brumisg, dugg spauris ch' a sberlavin. Co Dio ha ulut, al saltà fur Patriarce cul sborfador e Florean al tornà in sè....

Fogo di bio! se mi 'n toce un' altre di compagne o scugni mandà a clamà il Dottor Comell, che, par di là veretat, al sarà ane un bon galantom, ma no mi plas di velu pai pis.

E dutt chest, parcè che Marie Luigie, inamorate tant che une musse di Pasqual Stanislaio, e voleve plantà zuzz e vergons e cori a Rome.

I volè dute la logiche di Vinturin e dute la retoriche dai miei coparis Gràdine e Bale-ben par fàle sta in strope. Se no i vessin intrigat lia cotulis si vares tacade a fà un baletto. Si puedial dà di ples? E pensà che ha di là a confessassi. Oh! ce scandui!

L'Agnul dal cis-ciell, ch' al nase 'l vint di dutis lis bandis, al mi ha visat che qualchidun al varress voe di fà lis eleziions pal Consèi comunai a la improvise, par fà passà che liste che i comude, senze che i eletors e puedin v'e 'l timp di pareclassi.

Udines, stait atenz che no us e fàsin tai voi.

Leterature di Florean

LAMENT DI UNE MASSARIE.

In t' une beciarle
che us lassi induvinà,
cun gran galantarie,
si slungin lis manutis
su lis plui bielis frutis. —
Jò cròd che 'l sior beciar
al faress unmont miei, s'al ha creanze,
a gratassi la panze
e palpa la so ciar.

Florean in campagne.

AMMINISTRAZION
DE AGHE TEMESADE

Luvina bass, al 18 di marz.

Scomenzand cun ches an, part de nestre aghe famose la vin vindude a chei siors di Felett. Chei puars diaui dai caratei al è inutil che vegnin a ciollie fintenemai cassh. Se o foss in lor jo, cumò che 'l Sindich de Messe ultime al è stat fatt cavalir, o mi faress fà 'l permess in ciarte di boll, par podè cioli l'aghe a Felett. E saress une fortune par chei puars muss, che sparagnaressin plui di mieze strade; e i muss, in zornade di nè, a mertin unmont di considerazion.

S' o savessis ce tantis fiestis che han fatt chei di Felett, quanche a Rome e han batut il telegrafo par visà la Prefeture che Toso al jere diventat degn di fà galete, se nol va in vace. Luvina bass, o lu saves, al è in t' une buse. Pur, voleso crodi, fintenemai tal nestri scritori e capitàrin i splendors dai fugs a colors e, ogni tant, si sintive 'l tamburon.

Par di la veretat, il Sindich di Felett al se ha meretade la cros, perchè che in grazie di lui e corurà l'aghe pal pais, a invidie ance di sior Pieri Miott.

Us saludi e stàimi ben.

—0—

Tresesin, al 18 di marz.

Fami il plase di visà sior Toni Alessi e duquanz chei che vendin ciandelis a Udin, che cassi di no il prèsit de cere a l'è cressut une vore, in grazie che Vinars sant e varin la famose purzission dal Signor.

I parons di ciage e seugnin meti fur dos ciandelis par balcon, e 'l plui fortunat di dugg al è il miò ciar amì Zuan Marie, che i toce di inluminà nujemancul che vincecing balcon.

Tite dai ociai, paratri, al vendarà plui ciandelozz che no Vigi de Purificazion, perchè che Vigiutt al ul uadagnà masse.

Prest, ch' al vegnarà il consèi dai Predis, ti farai savè alc.

—0—

Pagnà, ai 21 di marz.

Ustu sintint, ciar 'l miò Florean, une di bieles? Cull, in glesie, e vin un organo, e, la fieste, al faseve qualchi sunade il mestri di scuete, ch' al è une bravissime persone. Ma tu sas cemud che, i mestris e batin la inne par tirà indenant la barache; e cussì Querin al lè ches Carneval a sunà ance su la fieste di ball. Il Plevan, ch' al lasse passà unmont di magagnis, nol le ul nè cuete nè crude, e al proibiss che 'l mestri al suni pluf l'organo in glesie. Cussì, puar diaul, al piardè chel pizzul inciart. Vevial di fà ciative figure cun cui che i veve dat di mangià, par no lā a sunà su la fieste di ball? Isè chesste la moralitat che al insegue il nestri Plevan? Fatt sta che, a la fieste del Re, chesst biell tomo al fase vigni sù di Udin uu organiste, spindind dodis francs, e la popolazion e jè avonde invelegnade par chesste porcade. La popolazion e dis ance che no capias dula che son lās a finì dugg chei us, che son stās ciapāz in tes fameis dal Comun, par justà l'organo e par meti il tamburon. Cumò e no si ha nè us, nè organiste, nè tamburon. E dutt a merit dal nestri ben Plevan! Oh! ce brav omp!

Florean pes scuèlis.

Al è inutil, cumò ch' o hai scomenzat, o hai ciapāt gust a ficià 'l nas dapardutt. E cussì mi è vignudè la vœ di savè cemud ch' a jere stade che facende di chell *repulisti* che han fatt es technichis. Domande di gā, domande di là, e mi han contat che, no podind ciatà i autors di ciartis iscrizioni, fatis cul ciarbon su pai murs de cità, professors e diretor e han fatt uu *ciapa ciapa* dai plui mal viduts e tem' ai han parāz fur di scuete par dutt el an.

Mi contarin po' ance, par zonte, che la colpe di chesste sdrondenade scolastiche e fo, in gran part, par no di interie, di chell sior des giambis fatis a buinz, ch' al se giold a lā a dāi dal nas in dutis lis massaris e sartoris ch' al ciate par strade; e che qualchi professor di bon sest, cun dutt ch' al ha scugnūt firmā in *solidum* che sentenze, al sedi persuadut che chei puars frutazz e sedin vitimis di une injustizie.

No saressie ore mo' che sior Florindo al viarezess un frègul i voi, e che nol stess a crodi dutt ce che al voress dāi ad intindi chell talian ch' al si sglonfe disind ch' al è franzes?

FLOREAN PAR BORG DI VIOLE

Ce eròdiso voaltris, che Florean al stei cu lis mans in sachete, (o lu sfidi brav jō!) o ben ch' al stei a spieta i macarons in bocie? Ben voe! Florean a nol piard timp e al zire, di cà e di là, par lung e par traviars, par dugg i busigatui de cità.

O foi, che altre di, in borg di Viole: un borg pifost brutt e pœ frequentat. Ma e son chesg

anzit i borgs che bisugne spassizà, se si ul vigni a scuviarzi ciartis girometis, che dula ch'al è un gran passazz a no succèdin, parè, ch'a darsessin masse tai voli.

Marie Luigie, che a la sa lungiote, a mi visà che, se o vess vut di là a bevi la bire lavie di Morett, o foss passat par borg di Viole, parè, e disè jè, al ha di jessi qualchi ciosse di grues in che androne.

Nase cull, nase culavie, pardiane di len, che o hai podutt vè tes mans un biell truoc! e o speri, in base a la materie interessant, di divertì ben e no mal i miei bogns udines.

Hao di dius, ale uè, par no lassaus cu la boocie sute?... Zito! zito! zito! che 'l bon al ha di vigni. Si trate di une maghe.... E sintarès, e sintarès uè vott!

Floean a Palme

Domenie stade o sbrissai fin a Palme. Cussì par passà l'oce, o jentrai in glesie; e ce ti viodio in coro? Momi Luzzatt (chell che al ha une pore malandrete dai spetros), il Comandant de fortezze e sior Iacum Spangar in zenogion, che ciantevin tanche Orui. Il cavalir Momi al ha un do di pett ch'al val une monede.

E disin che 'l Sindich di Palme al vadi in glesie; ma co si viod di chei liberalons come Luzzatt (che al ha in liment Dode almancoi ving vòltis in di), co si ju viod, giò, a là a dutis lis funzioms, ma da bon si che ance Lorenzett al ha rason di più un bocòp di messe.

O sentii che han traslocoat un ciart Colbertaldo, un impiegat; e lis lengatis, ch'and è di ches finis ance a Palme, e uelin di ch'al sedi stat colpe Luzzatt. Mi par dal impussibil che 'l comandator Prefett al si lassi menà pal nas di un cavalir che noi ul mangià la fuèe.

Floean a bevi

Vergine Catine, ce cuccagnei *Visto e considerato* che za dos' setemanis o foi a bevi la bire al Friuli e o'n disèi nè ben nè mal, sior Toni al fasè 'l cont che o vèi fevelat cussì parè che, essind la bire a squasi un franc al litro, cu lis mes risorsis, pòdevi bevind unmont poce.

E sior Toni squacare tant di cartelon e invide i bogns furlans a là a bevi la so famose bire, che lui, par favorì i amators, la venderà a 20 centesins *il piccolo*, parè che al dis lui, tal spazz al stà 'l uadagn.

Jò no capiss une malandrete nuje; intant, se chesse bire è jè tant buine, tant famose, tant cognossude, e che van ciantand che and han fabricade a miars e miars di caratèi, parè calàle di prèsit?

O parè che nissun la al o parè che, apont par vent fabricade masse, se no si la vend, bisugne butàle vie.

Jò i stoi oul proverbio dai miei avons: *poc si spind e poc si giold*.

Co si cale 'l prèsit, al al di che la bire e jè flape; e no chell gran *nettare* gambrinian che uelin dānus ad intindi che sei.

Insumis: mal e po' mal a calà i prèsis, parè che si ruvine i altris esercens che, di tang agn inò, e paju lis tassis; mal a calà i prèsis par dai ton al so prodott, parè che dal vecio proverbio no si s-ciampe: *poc si spind e poc si giold*.

Dunce par me, la bire di sior Toni calò la *braghesa*.

Da la zae di Floean

Veso vidut lis Ancelis dal Redentor in prucission, che levin a fà l'orè? E ce file di còtulis, di vei neris e di ciandelis impiadis! Co son passadis par piazze. Contarène, no hai podut tignimi e o mi soi sbassat a cialà par di sott (intindinsi, sott dai vei, no mingo sott des còtulis.) On fermal une, une grande ch'a mi someave date quante Marie-Luigie e che ha po' ance nom Vige. (Jò za cu lis grandis o mi ciati mior.)

«Che sinti, benedete» i disèi «ce ul di che 'l «plevan al puarte lui la cros?» — «Ma, sior «Floean» mi rispuindè «ce uelial? al ha vut «pore che, se leve indenant une fantate cun «chell afar in man, e vessin vut cur, qualchi «sbregott, di fānus qualchi insolenze.» E tacansi in code e prucission mi lassà impastanat e dutt spergotàt di cere.

Co tornarin indaur po', o hai sintut che la canae, par Marciatvieri a lis fis-ciave.

Mi pareve gruesse, giòh!

* *

A la Prefecture, a la Questure e a la Procure e studin 'l furlan come mestros, parè che no puedin capì une malandrete nuje di cè ch'al scriv Floean. Biele po' che qualohidun al ul che chell dialogo, a proposit di Floean, ch'a stamparin sul *Friul*, al sedi stat tignut di chell bon amì di Zoncìe (cioh! stampador, no stà a fāmi Zente) cun copari Gaetan, ohell di che bieles pilizze.

* *

Quand ch'o pensi a ches puaris mestris, jo ch'o i uel tant ben, — intindinsi, un ben sul fa di Vigi Gonzaghe, — e che Vigi Gabriel di Feagne i voleve meti impediment di ciòlissi un frighinin di omenutt, a mi ven di fiffa tanche un vidiell. Ce varessial vut di di 'l nestri bon Signor rutt. — ch'al ha creade Eve, par metile daprùv di chell basoal di Adam, ch'al scugnì imparà 'l vivi dal mond di che canae di nase pèvar di Sirpint, — ce varessial vut di di a viodi lis nestris mestrutis a strissinassi te lor zovintùt, senze podè gioldi lis glòris dal santissin sacrament dal matrimòni? Po' vie, stait lègris, benedetis mestris; Floean e Vinturin e son capazz di butà 'l mond

sott sore, par ciataus a dutis un boccon di omp; e staran cun tang di voi spalancôz par che chëi siors, che stan sintaz sùn chei caregons di giesie, a no vebin plui di tornà fur cun che naine.

Soi stat a dà une ociade su lis puartis, parçè che o vevi sintut ciaz petegolezz a propòsit des uardis dal dazi...., e co sint des puzzi, jò o nei metij. 'l nas, par savè cemud ch' a jè. O hai viodut che, insumis, lis uardis e scugnin fà rispetà i regolamenz e tratta dugg compagns, sedin siors, sedin puars. Nome al par che, par ciaz di lor ch' a si professin onoraz citadins, al coventaress che 'l Municipi al mandass su lis puartis qualchi bieles... frute, ch' a foss large di.... cerimonis tal fài.... la visite.

Chest an, varann di fa a Udin quarante Consèis Comunai invece di trènte ch' and' è cumò. Domandi jò mo': indula hano di ciatà 'l puest par chesg' altris dis in te sale dal consèi? Là drenti a non sta, par bio, nance un di plui. Se si tratass di salams, si podaress piciajn sott i tras... Tal miò puest, mitin cumò par un dato che jò foss content di cèdilu, an staress un, doi dutt al plui... Insumis, cà noi reste altri che puarta 'l Consèi in Zardin, là dal marciat des bestis. Al è nome cheil puest adatat a Udin.

Done Jacume (sunaimi cheste) al disè une di, là di Paulate, che a la Deputacion Provincial a no si fas nìe cence di lui, e che cunt une so perarile al mett a puest i soi coleghis. Iih, giarl! o savin che Done Jacume al va a bevi le caffète cul so paron e am, Gaetan de bieles pilizze, ma no savevin, pardianze, ch' al vess in te Deputacion tante autoritat.

Floreaan i racomande ai deputaz di no lassassi meti in tal sacco di Papinian d' Imponc e, s' al fas il petulant, ch' a lu mandin la di Paulate a insegnai 'l frances e so bieles voglone.

Il prefett — Gaetan, intindinsi, no Pauli, — vadial a Ferrare sì, o no? A Pauli, probabilmènti, i comodarà di vè Gaetan, che a nus fas tornà in le ment cheil bon omp di Fasciott che al scriveve sott detature di Pauli. Biaugnave viodi ce alzadis di voi e ce suspiradis ch' al deve!

Dal rest po', Floreaan al pense che, qualunque prefett ch' a mandin chenzit, il paron de provinzie al sarà simpri Pauli. Fin al 66 i tognos, chei macacos, a lu tignürin come bon servitor; sott i talians — furbos — al è diventat paron. E o stimi brav cui che lu pare vie!

Ogni mes si fas la lune e ogni di a s' in sint une. Che perle di Zuan Del Neri al ha vut mandat in stamperie Jacob e Colmegne un dai siei ti-

repis par savè cui oh' al è oh' al scriv sul Floreaan. Al ha fatt di dutt l'amigo par tirai su i passarazz ai stampadors, ma noi è stat bon di giavà un ragn dal mur.

Parcè mo' no vigni tal miò ufizi? Al sa pur che o soi simpri là, a disposizion dal publich, di une avemarie a che altre.

Dal rest, uelal propit savelu? Cui oh' al fas 'l Floreaan al è.... dutt Udin; e anco lui, reverend, al dà une man, senze savè.

Le hajal mangiade?

SERVIZI TELEGRAFICI PARTICOLARI di FLOREAN.

Parigi 21. (Ore che jève la bieles stele). Opuscul luz eletriche. Momi Pupatt (Jerome Pupatt) fasè furors chenti. Sui boulevards (ator li muris, si diress a Udin) dugg s'al ciolevin fur di man. Edison diventat matt. Borse sbassade, mòcui di studaz, dugg a durmì a seur.

Parigi 21. (Ore di dè 'l rosari). Accademie intrigade capi frauzes Pupatt. Letteraz ciatin ch' al puzzi lengazz ch' a si fevèle Godie, Passons. Momi Jerome Pupatt sarà clamat culi dè spiegacions in turch. Borse torne sù, mòcui alzin cial, dugg sbelèin.

Berlin 22. (Ore dai sece merindis). Deputacion israelitiche partiss prime corse direte Udin, incaricade studià organizzacion istituzions semitichis capital furlane. Spere splendide acoglienze Municipi.

Pietroburgo 21. (Ore ch' al gote 'l nas). Czar impuestade in persone letare senze sfrancia invindand Vigì-Gabriel vigni assistì incoronazion.

Londre 21. (Ore de digestion dai fasui). Negoziants cuarde e savon mandin canè Udin imparà sott puartis Cafè Corazza sisteme prò 30 0/0 al mes pen in man.

Inserzioni a pagamento.

SAGRE DI SANTE CATARINE.

La seconde fieste di Pasche, il prat famos al sarà trasformat in t'un Zardin di Armide. Voi, gole e giambis e ciataran di ce contentassi.

Une grande Fieste di Ball e sarà plantade sul brear, cunt une orchestre mai plui sintude e direte di cheil babio di mestri Carlo Ballarin.

Il vin e la bire, i plui bogus che mai a sedin staz in ta chest mond, e saran daz vie par pòc e par nuje.

Si spijete un concurs di centmil di lor. tra umin, feminis e accessori.

GUIDO ANTONIOLI, gerent responsabil.

Udin, Stamperie Jacob e Colmegne.